



გარემოსდაცვითი ზედამხედველობის დეპარტამენტი

შენობის დასრულების სამუშაოების (CPV 45400000;) ელექტრონული
ტენდერის საშუალებით შესყიდვის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე.

ქ.თბილისი

2014 წელი

სარჩევი

1. ინსტრუქცია ტენდერში მონაწილეობის
2. ტექნიკური დოკუმენტაცია
3. სახელმწიფო შესყიდვების შესახებ ხელშეკრულების პროექტი
4. დამატებითი ინფორმაცია
5. დანართი № 1 პრეტენდენტთა მიერ წარმოსადგენი ინფორმაცია და დოკუმენტები
6. დანართი № 2 ხელშეკრულების შესრულების საბარათიო უზრუნველყოფის ფორმა
7. დანართი № 3 ტექნიკური დავალება
8. დანართი № 4 არქიტექტურული ნაწილი
9. დანართი № 5 სარემონტო სამუშაოების ჩამონათვალი (ხარჯთაღრიცხვა)
10. დანართი № 6 საინჟინრო ნაწილი
11. დანართი № 7 ფოტოილუსტრაცია
12. დანართი № 8 მუშაობის ორგანიზების ნაწილი
13. დანართი № 9 ბრძანება

1. ინსტრუქცია ტენდერში მონაწილეთათვის

1.1 იხ. „სახელმწიფო შესყიდვის ერთიანი ელექტრონული სისტემის მომხმარებელთა სახელმძღვანელო“ და სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს ოფიციალურ ვებგვერდზე www.procurement.gov.ge

1.2. სავალდებულოა ტენდერში მონაწილე პრეტენდენტმა შესასრულებელი სამუშაოების გაფასების მიზნით იხელმძღვანელოს „სამშენებლო სამუშაოების სახელმწიფო შესყიდვისას ზედნადები ხარჯებისა და გეგმიური მოგების განსაზღვრის წესის დამტკიცების შესახებ“ საქართველოს ეკონომიკისა და მდგრადი განვითარების მინისტრის 2012 წლის 12 ივლისის N1-1/1463 ბრძანებით, წინააღმდეგ შემთხვევაში, პრეტენდენტის სატენდერო წინადადება შეფასებაზე არ დაიშვება და მოხდება პრეტენდენტის დისკვალიფიკაცია სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ მე-13 მუხლის მე-2 პუნქტის „ა“ ქვეპუნქტის საფუძველზე.

2. ტექნიკური დოკუმენტაცია

2.1 საკვალიფიკაციო მოთხოვნები - პრეტენდენტმა უნდა წარმოადგინოს შემდეგი დოკუმენტები:

2.1.1 იურიდიული პირისათვის:

- ა) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია;
- ბ) ცნობა საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯარო სამართლებრივი შეზღუდვის (ყადაღის) არარსებობის შესახებ.
- გ) ცნობა შესაბამისი უწყებიდან (სასამართლოდან) რომ მის მიმართ არ მიმდინარეობს გადახდისუნარიობის საქმის წარმოება გარდა საჯარო სამართლის იურიდიული პირებისა.
- დ) ცნობა საგადასახადო ორგანოდან ბიუჯეტის წინაშე დავალიანების არარსებობის შესახებ.

2.1.2 ფიზიკური პირისათვის:

- ა) ინდივიდუალური მეწარმედ დარეგისტრირებული ფიზიკური პირისათვის ცნობა უფლებამოსილი ორგანოდან, რომ პირის მიმართ არ მიმდინარეობს გადახდისუნარიობის საქმის წარმოება.
- ბ) ცნობა უფლებამოსილი სამედიცინო დაწესებულებიდან, რომ ფიზიკური პირი ქმედუნარიანია;
- გ) პირადობის მოწმობის ან პასპორტის ასლი.
- დ) ცნობა საგადასახადო ორგანოდან ბიუჯეტის წინაშე დავალიანების არარსებობის შესახებ.
- ე) ნასამართლობის შესახებ ცნობა შესაბამისად უფლებამოსილი ორგანოდან, რომლითაც დასტურდება, რომ პირი არ არის ნასამართლევი.

2.1.3 როგორც იურიდიული ასევე ფიზიკური პირისათვის:

2.1.4 სატენდერო წინადადების ფასი;

2.1.5 ინფორმაცია სამუშაოების შესრულების ვადების შესახებ;

2.1.6 სამუშაოების შესრულების გეგმა-გრაფიკი;

2.1.7 ხარჯთაღრიცხვები თანდართული ჩამონათვლის მიხედვით;

2.1.8 ინფორმაცია საგარანტიო ვადების შესახებ (გაშიფრეთ ტექნიკურ პირობებში მითითებული

საგარანტიო ვადების შესაბამისად);

2.1.9 ორგანიზაციის სრული რეკვიზიტები, ფიზიკური პირის შემთხვევაში პირადობის მოწმობის ასლი, (დანართი #1)

2.1.10 ინფორმაცია გამოცდილების შესახებ (არანაკლებ 3 წელი), განხორციელებული ანალოგიური სამუშაოები წლების (მათ შორის ბოლო წლების ჩვენებით) და ორგანიზაციების მითითებით.

2.1.11 უნდა წარმოადგინოთ მინიმუმ ერთი ხელშეკრულება პრეტენდენტის მიერ შესრულებულ სამშენებლო-სარემონტო სამუშაოზე, არანაკლებ 200 000 ლარის ღირებულებით.

2.2 ხელშეკრულების უზრუნველყოფის საბანკო გარანტიის ოდენობა დანართი №2-ის მიხედვით.

2.3 ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს (ელექტრონული ტენდერის შემთხვევაში) ტენდერისათვის სტატუსის „წინადადების მიღება დაწყებულია“ ეტაპის დაწყების შემდეგ, ხოლო არარეზიდენტი პრეტენდენტის შემთხვევაში – საკვალიფიკაციო მონაცემების დამადასტურებელი დოკუმენტები გაცემული უნდა იყოს ტენდერისათვის სტატუსის „წინადადების მიღება დაწყებულია“ ეტაპის დაწყებამდე არა უგვიანეს ოცდაათი დღისა.

2.4 ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები, დედნის სახით ან ნოტარიულად დამოწმებული ასლები, წარმოდგენილ უნდა იქნეს შემსყიდველ ორგანიზაციაში მოთხოვნიდან არაუგვიანეს 5 (ხუთი) სამუშაო დღეში (აღნიშნული დოკუმენტების წარმოდგენა შესაძლებელია ელექტრონულად, შესყიდვების ერთიანი ელექტრონული სისტემის შესაბამისი მოდულის მეშვეობით). არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

2.5 პრეტენდენტ(ებ)ის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა უნდა განხორციელდეს ელექტრონულად, შესყიდვების ერთიანი ელექტრონული სისტემის შესაბამისი მოდულის მეშვეობით. პრეტენდენტ(ებ)ის მიერ საკვალიფიკაციო მონაცემების წარმოუდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდენს ამ პრეტენდენტ(ებ)ის დისკვალიფიკაციას.

2.6 პრეტენდენტ(ებ)ის მიერ წარმოსადგენი ამ პუნქტის 2.1.3. ქვეპუნქტით გათვალისწინებული ინფორმაცია და მონაცემები ელექტრონულ სისტემაში უნდა აიტვირთოს ტექნიკურ დოკუმენტაციასთან ერთად.

2.7 ანგარიშსწორების პირობები:

2.7.1 სატენდერო წინადადებაში ერთეულის და საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის ჩათვლით.

2.7.2 ანგარიშსწორება მოხდება უნაღდო ანგარიშსწორებით ლარებში;

2.7.3. ანგარიშსწორება მოხდება მიმწოდებლის მიერ სამუშაოების ეტაპობრივი შესრულების დროს შუალედური მიღება-ჩაბარების აქტის, ფორმა N2-ის, ფარული სამუშაოების ჩატარების აქტის (ფარული სამუშაოების შესრულების შემთხვევაში), და საბოლოო ანგარიშსწორებისას საქართველოს კანონმდებლობით გათვალისწინებული შესაბამისი საგადახდო დოკუმენტაციისა და სსიპ ლევან სამხარაულის სახელობის სასამართლო ექსპერტიზის ეროვნული ბიუროს მიერ გაცემული დასკვნის საფუძველზე მათი წარდგენიდან არაუგვიანეს 20 (ოცი) სამუშაო დღის ვადაში;

2.7.4 პრეტენდენტს არა აქვს უფლება წარმოადგინოს ალტერნატიული წინადადება.

2.8 ხელშეკრულების უზრუნველყოფის საბანკო გარანტია:

2.8.1 ტენდერში გამოყენებული იქნება ხელშეკრულების შესრულების უზრუნველყოფის საბანკო გარანტია, ხელშეკრულების მთლიანი ღირებულების 2 (ორი) პროცენტის ოდენობით, დანართი № 2-ის მიხედვით;

2.8.2 ხელშეკრულების შესრულების უზრუნველყოფის საბანკო გარანტიის მოქმედების ვადა 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას და მასში მითითებული უნდა იყოს პრეტენდენტის საიდენტიფიკაციო კოდი.

2.9 შესყიდვის ობიექტის ტექნიკური პარამეტრები:

2.9.1 შესყიდვის ობიექტის ტექნიკური დავალება მოცემულია დანართი № 3-ში.

2.10 მიწოდების პირობები და ვადები:

2.10.1 სარემოსტო სამუშაოები სრულად უნდა დასრულდეს ხელშეკრულების გაფორმებიდან 100 (ასი) კალენდარული დღის განმავლობაში.

2.11 დაფინანსების წყარო – სახელმწიფო ბუიჯეტის სახსრები.

2.12 შესყიდვის საგარაუდო ღირებულება – 245000 (ორასორმოცდახუთი ათასი) ლარი.

2.13 სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

2.14 სხვადასხვა ვალუტაში გამოსახული სატენდერო წინადადებები არ განიხილება.

2.15 ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

2.16 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

2.17 სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ა.

2.18 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

2.19 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

2.20 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის - „კითხვა/პასუხი“ მეშვეობით, ასევე შეუძლია სატენდერო კომისიის აპარატში, მისამართზე: ქ.თბილისი, გ. გულუას ქ. № 6, გარემოსდაცვითი ხელმძღვანელობის დეპარტამენტის, ფინანსური სამსახურის, ლოჯისტიკის განყოფილება მე-6 სართული. ტელეფონი: 272-72-87; 595000444; 595000555; 577553191. საკონტაქტო პირი: მისეილ ბედლიძე, თამარ ყუფარაძე, თეიმურაზ სულხანიშვილი.

შენიშვნა:

1. სატენდერო წინადადებაში საერთო და ერთეული ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2. პრეტენდენტის მიერ წამოდგენილი (ერთიან ელექტრონულ სისტემაში ატვირთული) ყველა დოკუმენტი ან/და ინფორმაცია ხელმოწერილი და ბეჭედდასმული უნდა იყოს ხელმძღვანელის ან მის მიერ უფლებამოსილი პირის მიერ.

3. სახელმწიფო შესყიდვების შესახებ ხელშეკრულების პროექტი

„სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2011 წლის 7 აპრილის № 9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის მოთხოვნათა შესაბამისად, გარემოსდაცვითი ზედამხედველობის დეპარტამენტის მიერ სახელმწიფო შესყიდვის განხორციელების მიზნით, სახელმწიფო ბიუჯეტის სახსრებით, ელექტრონული ტენდერის საშუალებით. (SPA – -----) (CPV -----);

ერთის მხრივ გარემოსდაცვითი ზედამხედველობის დეპარტამენტი (შემდგომში **შემსყიდველი**) უფროსის ირაკლი მუკიანაშვილის სახით, **მისამართი:** ქ.თბილისი, გ. გულუას ქ. № 6, ს/კ 206351758, **ტელ:** 727275. 595000444; **საბანკო რეკვიზიტები:** ცენტრალური ხაზინა, სახაზინო კოდი 3802, **ხოლო მეორეს მხრივ** -----

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველ ორგანიზაციასა და ელექტრონულ ტენდერში გამარჯვებულ პრეტენდენტს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული დანართით.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელმაც მოიპოვა გამარჯვება ელექტრონულ ტენდერში და ახორციელებს საქონლის მიწოდებას ხელშეკრულების ფარგლებში.
- 1.6 „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

2. შესყიდვის ობიექტი

2.1 შესყიდვის ობიექტს წარმოადგენს გარემოსდაცვითი ზედამხედველობის დეპარტამენტის, ქვემო-ქართლის რეგიონალური სამსახურის ადმინისტრაციული შენობის მოწყობის სამუშაოები (შემდგომში - „სამუშაო“) ამ ხელშეკრულების პირობების შესაბამისად.

3. შესყიდვის ღირებულება

- 3.1 . ხელშეკრულების ჯამური ღირებულება შეადგენს ----- ლარს.
- 3.2. ხელშეკრულების ღირებულება მოიცავს სამუშაოების სრულყოფილ შესრულებასთან დაკავშირებულ ყველა ხარჯს, მათ შორის კანონმდებლობით გათვალისწინებულ ყველა გადასახადს და კომუნალურ გადასახადებს (მოხმარებული ელექტროენერგია, წყალი, გაზი).
- 3.3. მხარეები ანგარიშსწორებას ახორციელებენ ეროვნულ ვალუტაში ამ ხელშეკრულებით გათვალისწინებული საბანკო რეკვიზიტების შესაბამისად, უნაღდო ანგარიშსწორების ფორმით.

4. სამუშაოს მიღება-ჩაბარება

- 4.1 შესრულებული სამუშაო ან მისი ნაწილი ჩაითვლება მიღებულად შემსყიდველის მიერ გამოყოფილი ინსპექტორების განმახორციელებელი პირ(ებ)ის მიერ ადგილზე შემოწმებული საჭირო ხარისხით ფაქტიურად შესრულებულ სამუშაოებზე მიღება-ჩაბარების აქტის, ფორმა №2-ის და კანონმდებლობით გათვალისწინებული საბუღალტრო დოკუმენტაციის გაფორმებისა და შემსყიდველ ორგანიზაციაში წარმოდგენის შემდეგ, ყველა დოკუმენტი ხელმოწერილი უნდა იყოს მხარეების მიერ გამოყოფილი უფლებამოსილი პირების მიერ.
- 4.2 შესრულებულ სამუშაოებზე საბოლოო ანგარიშსწორება განხორციელდება საბოლოო მიღება-ჩაბარების აქტის შემდეგ, „მიმწოდებლის მიერ ჩატარებული“ სსიპ ლევან სამხარაულის სახელობის სასამართლო ექსპერტიზის ეროვნული ბიუროს მიერ გაცემული საინჟინრო ტექნიკური ექსპერტიზის დასკვნის საფუძველზე.

5. სამუშაოს შესრულების ვადები და ადგილი

- 5.1 სარემონტო სამუშაოების ჩამონათვალში მოცემული ყველა სამუშაოს დასრულების ვადა განისაზღვროს ხელშეკრულების გაფორმებიდან 100 (ასი) კალენდარული დღე.
- 5.2 სამუშაო ხორციელდება შემსყიდველის მისამართზე: **ქ. რუსთავი, ფიროსმანის ქ. № 19.**
- 5.3 სამუშაოების შესრულება უნდა განხორციელდეს მიმწოდებლის მიერ სატენდერო წინადადებით წარმოდგენილი მშენებლობის კალენდარული გეგმა-გრაფიკის მიხედვით;

6. მხარეთა ვალდებულებანი

- 6.1 შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.
- 6.2 შემსყიდველი ვალდებულია:
 - 6.2.1 დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
 - 6.2.2 ხელშეკრულებით გათვალისწინებული სამუშაოების შესრულებისას საქმის კურსში ჩააყენოს მიმწოდებელი ყველა განსაკუთრებული გარემოებების წარმოშობის შესახებ;
 - 6.2.3. ხელშეკრულებით გათვალისწინებული პირობების შესაბამისად აუნაზღაუროს მიმწოდებელს შესრულებული სამუშაოების ღირებულება;
 - 6.2.4. წერილობითი ფორმით დაუყოვნებლივ აცნობოს მიმწოდებელს რაიმე დეფექტის ან ნაკლის აღმოჩენის

შესახებ.

6.3. შემსყიდველს უფლება აქვს:

6.3.1. განხორციელოს კონტროლი და ზედამხედველობა მიმწოდებლის მიერ ხელშეკრულებების პირობების დაცვაზე;

6.3.2. განხორციელოს შესრულებული სამუშაოების ტექნიკური ზედამხედველობა და შეამოწმოს მათი შესაბამისობა საქართველოში მოქმედი სამშენებლო ნორმებისა და წესებში გათვალისწინებული ხარისხის კრიტერიუმების, ტექნიკური სპეციფიკაციების, მოქმედი სტანდარტების, სატენდერო დოკუმენტაციისა და მიმწოდებლის მიერ წარმოდგენილი სატენდერო წინადადების გათვალისწინებით;

6.3.3. ხელი მოაწეროს სამუშაოების მიღება-ჩაბარების აქტებს;

6.3.4. მიმწოდებლისაგან მოითხოვოს სამუშაოების წარმოებასთან დაკავშირებული დამატებითი ინფორმაცია და დოკუმენტაცია.

6.4. მიმწოდებელი ვალდებულია:

6.4.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

6.4.2. სამშენებლო ნორმებისა და წესების სრული დაცვით უზრუნველყოს სამუშაოების მაღალი ხარისხით შესრულება და მათი დამთავრება ხელშეკრულების 5.1 პუნქტით განსაზღვრულ ვადებში;

6.4.3. ფარული სამუშაოები (არსებობის შემთხვევაში) აწარმოოს შემსყიდველის მიერ შესაბამისად უფლებამოსილი პირის უშუალო ზედამხედველობის ქვეშ. მიმწოდებელი ვალდებულია წინასწარ 2 (ორი) სამუშაო დღით ადრე წერილობით და/ან სიტყვიერად აცნობოს შემსყიდველს აღნიშნული სამუშაოების შესრულების თარიღის შესახებ;

6.4.4. სამუშაოების შესრულების პროცესში შემსყიდველის შეტყობინების მიღებისთანავე აღმოფხვრას უხარისხოდ შესრულებული სამუშაო შემსყიდველის მხრიდან რაიმე დამატებითი დანახარჯების გაწევის გარეშე;

6.4.5. სამუშაოების შესასრულებლად აუცილებელი მასალები, აღჭურვილობა და მექანიზმების მოწოდება უზრუნველყოფილი უნდა იქნას მიმწოდებლის მიერ. მიმწოდებელი პასუხისმგებელია აღნიშნული მასალების, აღჭურვილობის და მექანიზმების უსაფრთხოებაზე. ხსენებული მასალების დაკარგვის ან გაუმართაობის შედეგად გამოწვეული რისკი ეკისრება მიმწოდებელს;

6.4.6. მიმწოდებელმა სამუშაოების განხორციელების პროცესში უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად;

6.4.7. ნებისმიერ დროს, წინასწარი შეტყობინების გარეშე დაუშვას შემსყიდველი და მისი წარმომადგენლები სამუშაო მოედნებზე;

7. გარანტია

7.1. მიმწოდებელი იძლევა გარანტიას, რომ სამუშაოები განხორციელდება სამშენებლო ნორმებისა და სტანდარტების და მის მიერ წარმოდგენილი ტექნიკური დოკუმენტაციით განსაზღვრული პირობების შესაბამისად;

7.2. წინამდებარე ხელშეკრულების შესაბამისად შესრულებული და ჩაბარებული სამუშაოების საგარანტიო ვადები მითითებულია სატენდერო დოკუმენტაციაში.

7.3. საგარანტიო ვადის განმავლობაში მიმწოდებელი ვალდებულია შემსყიდველის მიმართვის შემდეგ არაუგვიანეს [30] (ოცდაათ) კალენდარულ დღეში საკუთარი ხარჯებით უზრუნველყოს ექსპლუატაციის პროცესში მიმწოდებლის მიზეზით წარმოქმნილი ხარვეზების აღმოფხვრა.

7.4. თუ მიმწოდებელი საგარანტიო ვადის განმავლობაში საკუთარი ხარჯებით ვერ უზრუნველყოფს ექსპლუატაციის პროცესში წარმოქმნილი ხარვეზების აღმოფხვრას, შემსყიდველი უფლებამოსილია გაფრთხილებიდან [30] (ოცდაათი) კალენდარული დღის ამოწურვის შემდეგ მიმართოს სასამართლოს მიყენებული ზიანის ასანაზღაურებლად.

7.5 იმ შემთხვევაში თუ 7.3 პუნქტით განსაზღვრულ ხარვეზის აღმოფხვრას ესაჭიროება [30] (ოცდაათი) კალენდარულ დღეზე მეტი, ხარვეზის აღმოფხვრის ვადა შეიძლება გაიზარდოს, შემსყიდველთან შეთანხმებით, არაუმეტეს [30] (ოცდაათი) კალენდარული დღით.

8. ანგარიშსწორება

8.1. ანგარიშსწორება განხორციელდება ეტაპობრივად, შესრულებული სამუშაოების მოცულობების მიხედვით შემდეგი პირობებით:

8.1.1. ანგარიშსწორება მოხდება მიმწოდებლის მიერ სამუშაოების ეტაპობრივი შესრულების დროს შუალედური მიღება-ჩაბარების აქტის, ფორმა N2–ის, ფარული სამუშაოების ჩატარების აქტის (ფარული სამუშაოების შესრულების შემთხვევაში), და საბოლოო ანგარიშსწორებისას საქართველოს კანონმდებლობით გათვალისწინებული შესაბამისი საგადახდო დოკუმენტაციისა და სსიპ ლევან სამხარაულის სახელობის სასამართლო ექსპერტიზის ეროვნული ბიუროს მიერ გაცემული დასკვნის საფუძველზე მათი წარდგენიდან არაუგვიანეს 5 (ხეტი) სამუშაო დღის ვადაში;

8.2. მიმწოდებლის მიერ 8.1.1. პუნქტით გათვალისწინებული დოკუმენტაციის წარმოდგენილობის შემთხვევაში, შემსყიდველს უფლება აქვს უარი თქვას ანგარიშსწორებაზე.

8.3 ანგარიშსწორება მიმწოდებელთან განხორციელდება ლარებში.

9. ხელშეკრულებაში ცვლილებების შეტანა

9.1. ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორების გარდა.

9.2. თუ რაიმე წინასწარ გაუთვალისწინებელი მიზეზის გამო წარმოიშობა ხელშეკრულების პირობების

შეცვლის აუცილებლობა, ცვლილებების შეტანის ინიციატორი მხარე ვალდებულია წერილობით შეატყობინოს მეორე მხარეს ამის თაობაზე შესაბამისი მიზეზების მითითებით.

9.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველის პირობების გაუარესება დაუშვებელია, გარდა საქართველოს სამოქალაქო კოდექსის 398-ე მუხლით და სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-20 მუხლით გათვალისწინებული შემთხვევებისა.

9.4. ხელშეკრულების ნებისმიერი ცვლილება უნდა გაფორმდეს ურთიერთშეთანხმების სახით, რომელიც ჩაითვლება ხელშეკრულების განუყოფელ ნაწილად.

10. ხელშეკრულების შესრულების შეფერხება

10.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

10.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

11. ხელშეკრულების პირობების შეუსრულებლობა

11.1. მხარეები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობისათვის ან არასრულად შესრულების შედეგად მიყენებული ზიანი, მოქმედი კანონმდებლობით განსაზღვრული წესით.

11.2. თუ მიმწოდებელი გადააცილებს მის მიერ წარმოდგენილი მშენებლობის კალენდარული გეგმა-გრაფიკით გათვალისწინებულ შესაბამისი ეტაპის დასრულების ვადას, მიმწოდებელს დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0,2%-ის ოდენობით;

11.3. იმ შემთხვევაში, თუ ხელშეკრულების 11.2. პუნქტით გათვალისწინებული პირგასამტეხლოს ოდენობა მიაღწევს მთლიანი სახელშეკრულებო ღირებულების 10%-ს, შემსყიდველს უფლება აქვს ცალმხრივად შეწყვიტოს ხელშეკრულება.

11.4. ხელშეკრულების 11.3. პუნქტით გათვალისწინებული პირობების დადგომის შემთხვევაში შემსყიდველი უფლებამოსილია მიმართოს ხელშეკრულების შესრულების გარანტიის გამცემ ბანკს და გამოითხოვოს გარანტიით გათვალისწინებული თანხა.

11.5. ვადაგადაცილებული დღეების რაოდენობაში არ ჩაითვლება იმ დღეების რაოდენობა, რომელიც ექსპერტს დასჭირდება დასკვნის გასაცემად.

12. ხელშეკრულების შესრულების კონტროლი

12.1. შემსყიდველს უფლება აქვს მიმწოდებლის მიერ განხორციელებულ სამუშაოზე, განახორციელოს კონტროლი. კონტროლს ახორციელებს შემსყიდველის წარმომადგენლები: გარემოსდაცვითი ზედამხედველობის დეპარტამენტის ფინანსური სამსახურის თანამშრომლები (შემდგომში „ინსპექტორების ჯგუფი“).

12.2. ინსპექტორების ჯგუფის ფუნქციებია:

12.2.1. გაუწიოს კონტროლი სამუშაოს შესრულების ვადების ხელშეკრულების მოთხოვნებთან შესაბამისობის დადგენას.

12.2.2. დაადგინოს შეესაბამება, თუ არა ჩატარებული სამუშაო ხელშეკრულების მოთხოვნებს.

12.2.3. უზრუნველყოს მიწოდებული სამუშაოს მიღება.

12.3. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.

12.4. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

13. ხელშეკრულების შესრულების გარანტია

13.1. ხელშეკრულების ხელმოწერისას მიმწოდებელმა უნდა წარმოადგინოს ხელშეკრულების შესრულების გარანტია ხელშეკრულების ჯამური ღირებულების 2%-ის ოდენობით.

13.2. მიმწოდებლის მიერ წარმოდგენილი ხელშეკრულების შესრულების გარანტია [30] (ოცდაათი) დღით უნდა აღემატებოდეს ხელშეკრულების მოქმედების ვადას.

13.3. მიმწოდებლის მიერ ხელშეკრულებით გათვალისწინებული ვალდებულებების დარღვევის ან/და შეუსრულებლობის შემთხვევაში, შემსყიდველი უფლებამოსილია ხელშეკრულების შესრულების გარანტიის მოქმედების პერიოდში მიმართოს ხელშეკრულების შესრულების გარანტიის გამცემ ბანკს და მოითხოვოს ხელშეკრულების შესრულების გარანტიით გათვალისწინებული თანხა.

13.4. მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ შემსყიდველი საბოლოო მიღება-ჩაბარების (შესრულების) აქტის გაფორმებიდან 30 (ოცდაათი) დღის ვადაში მიმწოდებლის წერილობითი მოთხოვნის საფუძველზე უზრუნველყოფს ხელშეკრულების შესრულების გარანტიის დაბრუნებას.

13.5. მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი მიმწოდებლის მოთხოვნისთანავე უზრუნველყოფს ხელშეკრულების შესრულების გარანტიის დაბრუნებას.

13.6 მიმწოდებლის მიერ ხელშეკრულების ცალმხრივად შეწყვეტის შემთხვევაში, შემსყიდველი უფლებამოსილია მიმართოს ხელშეკრულების შესრულების გარანტიის გამცემ ბანკს და მოითხოვოს ხელშეკრულების შესრულების გარანტიით გათვალისწინებული თანხა.

14. ფორს-მაჟორი

14.1 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით.

14.2 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოინახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

15. სადაო საკითხების გადაწყვეტა

15.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოავგარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დაეის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს.

15.3 პირობები რომლებიც არ რეგულირდება ამ ხელშეკრულებით მიიღება საქართველოს მოქმედი კანონმდებლობის შესაბამისად.

16. ხელშეკრულების მოქმედების ვადა

16.1 ეს ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს 2014 წლის 31 დეკემბრამდე.

16.2 მხარეები არსებითად უთანხმოებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება ქართულ ენაზე, სამი თანაბარი იურიდიული ძალის მქონე ეგზემპლარად, რომლებიც ინახება ხელშეკრულების მონაწილე მხარეებთან.

„შემსყიდველი“

„მიმწოდებელი“

4. ღამათებითი ინფორმაცია:

4.1 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, მიმართვის შემთხვევაში. მისამართზე: ქ.თბილისი, გ. გულუას ქ. № 6, გარემოსდაცვითი ზედამხედველობის დეპარტამენტის ფინანსური სამსახურის ლოჯისტიკის განყოფილებაში, მე-6 სართული. ტელეფონი: 272-72-75. 595 000 444; 595 000 555; 577 553 191. საკონტაქტო პირი: მიხეილ ბედოიძე, თამარ ყუფარაძე, თეიმურაზ სულხანიშვილი.

5. პრეტენდენტთა მიერ წარმოსაღებნი ინფორმაცია და დოკუმენტები

5.1 რეკვიზიტები:

- 5.1.1 პრეტენდენტის იურიდიული ფორმა და დასახელება;
- 5.1.2 ხელმძღვანელის სახელი და გვარი;
- 5.1.3 პრეტენდენტის იურიდიული ან/და ფაქტიური მისამართი;
- 5.1.4 საიდენტიფიკაციო კოდი;
- 5.1.5 პრეტენდენტის ტელეფონის ნომერი;
- 5.1.6 ელექტრონული მისამართი;
- 5.1.7 მომსახურე ბანკის დასახელება და ბანკის კოდი;
- 5.1.8 ანგარიშსწორების ანგარიში.

5.2 სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი - ხარჯთაღრიცხვასთან ერთად.

5.3 ხელშეკრულების შესრულების უზრუნველყოფის საბანკო გარანტიის ოდენობა პროცენტულად.

პრეტენდენტის დასახელება -----

თანამდებობა, სახელი, გვარი -----

ხელმოწერა და ბეჭედი -----

შ ე ნ ი შ გ ნ ა:

1. გამარჯვებულმა პრეტენდენტმა ხელშეკრულების გაფორმებამდე უნდა წარმოადგინოს ვაჭრობის შედეგად დაფიქსირებული საბოლოო ფასების (ასეთის არსებობის შემთხვევაში) ცხრილი. ფასების ცხრილი წარმოადგენს ხელშეკრულების განუყოფელ ნაწილს.

2. პრეტენდენტის მიერ წამოდგენილი (ერთიან ელექტრონულ სისტემაში ატვირთული) ყველა დოკუმენტი ან/და ინფორმაცია ხელმოწერილი და ბეჭედდასმული უნდა იყოს ხელმძღვანელის ან მის მიერ უფლებამოსილი პირის მიერ.

6. ხელშეკრულების შესრულების საგარანტიო უზრუნველყოფის ფორმა

ხელშეკრულების შესრულების საგარანტიო უზრუნველყოფა
(საბანკო გარანტია)

ვის: _____
(შემსყიდველის დასახელება)

მხედველობაში ვიღებთ რა, რომ _____
(მიმწოდებლის დასახელება)

შემდგომში „მიმწოდებელმა“ _____ ტენდერში წარდგენილი თავისი
(ტენდერის დასახელება)

სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით საერთო თანხაზე:

_____ (თანხა ციფრობრივად, სიტყვიერად, ვალუტის მითითებით)

და ვკისრულობთ ზემო აღნიშნული თანხის გადახდას მიმწოდებლის მიერ ხელშეკრულების პირობების დარღვევის საფუძველზე თქვენი პირველივე მოთხოვნისთანავე.

წინამდებარე გარანტია ძალაშია _____

გარანტების ხელმოწერა და ბეჭედი

(თარიღი)

(მისამართი)

7. ტექნიკური დავალება

1. ტექნიკური პირობები

№	შესყიდვის ობიექტი	სამუშაოების შესრულების ვადა	სამუშაოების შესრულების ადგილი
1	საქვეუწყებო დაწესებულება გარემოსდაცვითი ზედამხედველობის დეპარტამენტის ქვემო-ქართლის რეგიონალური სამასახურის ადმინისტრაციული შენობის სარემონტო სამუშაოები	ხელშეკრულების გაფორმებიდან 100 (ასი) კალენდარული დღე.	ქ. რუსთავი ფიროსმანის ქუჩა №19 .

სამუშაოების შესრულების ვადა: სარემონტო სამუშაოების ჩამონათვალში მოცემული ყველა სამუშაოს დასრულების ვადაა ხელშეკრულების გაფორმებიდან 100 (ასი) კალენდარული დღე.

საგარანტიო ვადები:

- სარემონტო სამუშაოებზე არანაკლებ – 3 წ;
- ელექტრო –სამონტაჟო სამუშაოებზე არანაკლებ – 3 წ;
- გათბობა–კონდიციონერზე არანაკლებ – 2 წ;
- სუსტ–დენებზე არანაკლებ – 3 წ.

შესრულებულ სამუშაოებზე საბოლოო ანგარიშწორება განხორციელდება საბოლოო მიღება–ჩაბარების აქტის შემდეგ, „მიმწოდებლის მიერ ჩატარებული“ სსიპ ლევან სამხარაულის სახელობის სასამართლო ექსპერტიზის ეროვნული ბიუროს მიერ გაცემული საინჟინრო ტექნიკური ექსპერტიზის დასკვნის საფუძველზე.

ვინაიდან ტენდერში გამარჯვებული პრეტენდენტის (მიმწოდებლის) სატენდერო წინადადება სახელმწიფო შესყიდვის შესახებ ხელშეკრულების განუყოფელი ნაწილია, სამუშაოების შესრულების პროცესში მიმწოდებელი ხელმძღვანელობს მისივე სატენდერო წინადადებაში მოცემული გრაფიკით განსაზღვრული ვადებითა და სამუშაოების ეტაპების განხორციელების თანმიმდევრობით

სამუშაოების შესრულების კონკრეტულ გრაფიკს ადგენს თვით პრეტენდენტი თავის სატენდერო წინადადებაში.

2. სამუშაო ადგილის მომზადება, გარემოს დაცვა

სამუშაო ობიექტის, ადგილის გამოყოფა შემსყიდველის მოვალეობაა; შემსრულებელი

პასუხისმგებელია სამუშაოსათვის გამოყოფილი ადგილის გამოყენებაზე და სამუშაოს დასრულების შემდეგ გარემოს საჭირო და სათანადო აღდგენაზე; შემსრულებელი პასუხისმგებელია შეასრულოს სამუშაო უსაფრთხო და ეკოლოგიურად მისაღები გზით და ვალდებულია დაიცვას შემდეგი პირობები:

- უზრუნველყოს სამუშაო ადგილის ფარგლებში მდებარე ხეების და მცენარეები სიცოცხლისუნარიანობა;
- მინიმუმამდე დაიყვანოს მუშაობით გამოწვეული ხმაურის, ვიბრაციის და მტვერის გავლენა;
- სამუშაოების დასრულების შემდეგ შემსრულებელი თავისი ძალებით და სახსრებით 2 დღის განმავლობაში ვალდებულია გაათავისუფლოს სამუშაო ადგილი სამშენებლო მოწყობილობა-დანადგარებისაგან, მასალებისაგან, დროებითი ნაგებობებისაგან და ა.შ;

3. სამუშაოთა შესრულების წესი

- სამუშაოებისათვის გამოსაყენებელი მასალები უნდა ინახებოდეს დახურული წესით, გარდა იმ მასალებისა, რომელიც ნორმების მიხედვით ინახება ღია ცის ქვეშ მათი ხარისხი უნდა შეესაბამებოდეს აღნიშნულ სფეროში არსებულ სტანდარტებს.
- სამუშაოებისათვის საჭირო მასალები უნდა იყოს უმაღლესი ხარისხის და შეესაბამებოდეს სტანდარტებს, ნორმებს.

4. ნორმატიული დოკუმენტები

მუშაობის პროცესში შემსრულებელი ვალდებულია სამუშაოები შეასრულოს მოქმედი ნორმებისა და წესების მიხედვით.

პრეტენდენტის დასახელება -----

თანამდებობა, სახელი, გვარი -----

ხელმოწერა და ბეჭედი -----

შენიშვნა:

სატენდერო წინადადებაში საერთო და ერთეული ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის (სამუშაოების) შესრულებასთან დაკავშირებული ყველა გადასახადის გათვალისწინებით.